

Lingua sco clav per encleger la cultura

63 personas surtut svizras èn sa participadas questa stad a Scuol al curs intensiv da rumantsch.

«Las personas che frequentan noss curs intensiv han tuttas ina relaziun speziala cun il rumantsch», declera Duri Denoth, collavuratur regiunal da la Lia rumantscha ed organisatur dals curs, «i po esser tras marida u che lur perdavants derivavan da la regiun.» Auters participants fan savens vacanzas en la regiun e vulan perquai encleger la lingua indigena. Da giuvna passentava Tina Schiess las vacanzas tar sia nona a Sur En da Sent. Ussa viva ella a Seattle Washington, «ma jau turn adina puspè en Engia-

dina Bassa.» Peter Egger deriva dal Tirol e lavura sco magister secundar a Strada: «Jau vuless gugent savair daplì da la cultura rumantscha, e quai va mo sch'ins sa er la lingua.» Il mat da 15 ons Daniel Häberlin da Berlingen ha adina gi gugent linguas. «Rumantsch emprend jau però er perquai che jau vuless che la quarta lingua naziunala na moria.» Anny Unternährer lavura en Engiadina Bassa sco terapeuta da psicomotorica: «Relativmain blers uffants da qua na san tudestg, perquai discurs jau cun els rumantsch.» *anr/fa*



FOTO: F. ANDRY

Duri Denoth po constatar ch'il curs da rumantsch intensiv ha gi er quest onn success.